

## OKVIRNI SPORAZUM

### Za nabavku roba – mlijeko i mliječni proizvodi

Zaključen između:

1. **Kantonalna javna ustanova Dom za djecu bez roditeljskog staranja** sa sjedištem u Sarajevu, ul. Bjelave 52, koju zastupa direktor Saudin Đurđević / u daljem tekstu: **Naručilac** /  
i
2. **“VINOJUG” d.o.o. Sarajevo**, sa sjedištem u Sarajevu, ul. Igmanska 2-4, ID broj: 4200368260006, koju zastupa direktor Resić Elvira/ u daljem tekstu: **Dobavljač** /

### 1. UVOD

#### Član 1.

Na osnovu provedenog postupka javne nabavke roba – mlijeko i mliječni proizvodi Ugovorni organ je Odlukom broj: 122-3/17 od 18.01.2017. godine odabrao ponudu Dobavljača broj 2-2017-2 od 17.01.2017.. godine kao najbolje ocjenjenu ponudu u skladu sa objavljenim kriterijem za donošenje odluke o odabiru i zahtjevima iz tenderske dokumentacije.

Ovaj Okvirni sporazum ne predstavlja obavezu Naručioca na realizaciju u bilo kojem obimu ili vrijednosti u odnosu na ugovorenu količinu.

### 2. PREDMET I TRAJANJE OKVIRNOG SPORAZUMA

#### Član 2.

Predmet ovog Okvirnog sporazuma je regulisanje međusobnih kupoprodajnih odnosa za nabavku mlijeka i mliječnih proizvoda za potrebe Naručioca, prema tenderskoj dokumentaciji i ponudi Dobavljača.

Ovaj Okvirni sporazum se sklapa **na period od 1 /jedne/ godine dana počevši od 02.02.2017. god. do 02.02.2018. godine** i predviđa sa ciljem realizacije isporuke roba tokom perioda ugovorenog ovim Okvirnim sporazumom.

U okviru zaključenog okvirnog sporazuma Ugovorne strane mogu zaključivati posebne ugovore o kupoprodaji ili isporuku predmeta nabavke vršiti po potrebi Naručioca, na osnovu dostavljene narudžbenice koja ima sve elemente ugovora, a u skladu sa uslovima definisanim ovim sporazumom.

### 3. CIJENA

#### Član 3.

- Ukupna vrijednost ovog okvirnog sporazuma (bez PDV-a) iznosi :  
27.602,30 KM,
- Popust iznosi: \_\_\_\_\_ - \_\_\_\_\_ %,
- Ukupna vrijednost ovog okvirnog sporazuma (bez PDV-a) i sa uključenim popustom iznosi:  
27.602,30 KM,
- PDV (17%) iznosi: 4.692,39 KM,
- UKUPNA VRIJEDNOST/CIJENA okvirnog sporazuma (sa PDV-om) iznosi:  
32.294,69 KM,

Cijene su fiksne i ne mogu se mijenjati za vrijeme važenja okvirnog sporazuma.

### 4. USLOVI PROVEDBE OKVIRNOG SPORAZUMA

#### Član 4.

Cijene za svaku nabavku moraju odgovarati cijenama istaknutim u ponudi Dobavljača iz člana 1.stav 1. ovog Okvirnog sporazuma i moraju biti nepromjenjive.

Paraf za naručioca



Paraf za dobavljača



#### Član 5.

Dobavljač se obavezuje da će početi sa isporukom odmah po sklapanju ovog Okvirnog sporazuma na zahtjev Naručioca.

Isporučka roba će se vršiti sukcesivno /dnevno, sedmično ili mjesečno/ prema zahtjevima i potrebama Naručioca u roku od 24 sata od dana ispostavljanja narudžbenice.

Mjesto isporuke roba je sjedište Naručioca ul. Bjelave broj 52. Općina Centar – Sarajevo.

#### Član 6.

Naručilac će vršiti plaćanje na osnovu ispostavljenih faktura Dobavljača.

Naručilac će izvršiti plaćanje fakture iz stava 1. ovog člana u roku od 60 / šezdeset/ dana od dana dostavljanja ispravne fakture.

Dobavljač je saglasan da Naručiocu neće zaračunavati zatezne kamate za zakašnjenje pri plaćanju putem Trezora Kantonalnog ministarstva finansija, ako je Naručilac u ugovorenom roku predao nalog za plaćanje.

#### Član 7.

Pri sklapanju ugovora o javnoj nabavci ugovorne strane ne smiju mijenjati bitne uslove ovog Okvirnog sporazuma.

### 5. OBAVEZE I ODGOVORNOST DOBAVLJAČA

#### Član 8.

Dobavljač se obavezuje izvršavati isporuke roba savjesno i odgovorno, na način određen ovim Okvirnim sporazumom sa pažnjom dobrog privrednika.

Dobavljač se obavezuje da će ugovorene robe isporučiti u skladu sa tenderskom dokumentacijom i prihvaćenom ponudom.

Dobavljač se obavezuje čuvati sve podatke i materijale dobivene po osnovu ovog Ugovora i neće ih otkrivati i davati na upotrebu trećim licima.

#### Član 9.

Naručilac se obavezuje da će blagovremeno izvršiti narudžbu mlijeka i mliječnih proizvoda, a dobavljač je dužan u roku od 24 sata po narudžbi izvršiti isporuku iste koja odgovara kvalitetu i roku upotrebe shodno važećim zakonskim propisima za predmetnu nabavku.

Dobavljač se obavezuje da će ugovorenu robu dostavljati u čistom prevoznom sredstvu koje je opremljeno ispravnim mjeracima temperature i dostavljati robu kojoj je dozvoljeno robno susjedstvo srodnih namirnica.

Za robe koje se dostavljaju mora biti obezbijeđen temperaturni režim prevoza: hlađeni režim prevoza, a ako je potrebno i zamrznuti režim prevoza. Sve robe koje su predmet nabavke moraju obavezno posjedovati podatke: rok upotrebe, deklaraciju, namjensku ambalažu i uredna svojstva (okus, miris, izgled) koje se utvrđuju vizuelnom kontrolom i ne smiju biti oštećene.

Dobavljač je dužan isporučiti robu sa urednom deklaracijom.

#### Član 10.

Za ispravnost i kvalitet isporučene robe odgovoran je dobavljač. Na zahtjev Naručioca, dobavljač je dužan da dostavi potrebne ateste o kvalitetu i ispravnosti isporučene robe od nadležnog organa i institucije kao npr. Zavod za javno zdravstvo, inspekcijски nalazi za kontrolu kvaliteta i drugo, a vezane za određeni datum naznačen na proizvodu.

Prilikom isporuke roba koje su predmet ovog Okvirnog sporazuma dobavljač je dužan uz svaku isporuku dostaviti VS obrazac u kojem je naznačena količina mlijeka i mliječnih proizvoda sa naznakom da je roba zdrava i higijenski ispravna za široku potrošnju u unutrašnjem prometu i na VS obrascu mora biti naznačen broj otpremnice kojom se dostavlja roba.

Paraf za naručioca



Paraf za dobavljača



## 6. OBAVEZE NARUČIOCA

### Član 11.

Naručilac se obavezuje saradivati sa Dobavljačem tokom izvršenja isporuka roba i povremeno ga informisati o relevantnim činjenicama koje bi mogle utjecati na izvršenje ugovora.

Naručilac se obavezuje Dobavljaču platiti ugovorenu cijenu za izvršenje isporuke roba na ugovoreni način i u ugovorenom roku.

U slučaju eventualnih propusta Dobavljača u izvršavanju isporuke roba, Naručilac se obavezuje odmah po uočavanju propusta dati Dobavljaču prigovor u pisanoj formi.

Naručilac zadržava pravo da vrši uvid u isporučenu robu i u slučaju bilo koje sumnje, istu ima pravo reklamirati i vratiti u roku od 24 sata.

## 7. RASKID OKVIRNOG SPORAZUMA

### Član 12.

U slučaju da Dobavljač ne bude ispunjavao ili ukoliko ne bude u mogućnosti ispunjavati preuzete obaveze iz ovog Okvirnog sporazuma i uslova ponude ili učini povredu odredbi ovog Okvirnog sporazuma, Naručilac ima pravo jednostranog raskida ovog Okvirnog sporazuma uz pisano obavještenje.

## 8. RJEŠAVANJE SPOROVA

### Član 13.

Sporovi koji eventualno nastanu iz ovog Okvirnog sporazuma, rješavat će se u prvom redu međusobnim sporazumom ugovornih strana, a ukoliko se ne mogu riješiti mirnim putem, oštećena strana može ostvariti svoja prava pred nadležnim sudom u Sarajevu.

Za sve odnose i institute koji nisu utvrđeni ovim Ugovorom, a proisteknu iz njegove realizacije primjenjivat će se odgovarajuća odredba Zakona o obligacionim odnosima.

## 9. SASTAVNI DIJELOVI OKVIRNOG SPORAZUMA

### Član 14.

Sastavni dijelovi Okvirnog sporazuma su :

- Ponuda Dobavljača broj: 2-2017-2 od 17.01.2017. godine

## 10. STUPANJE NA SNAGU OKVIRNOG SPORAZUMA

### Član 15.

Ovaj Okvirni sporazum stupa na snagu danom obostranog potpisivanja, a primjenjivat će se u periodu **02.02.2017. god. do 02.02.2018. godine.**

### Član 16.

Okvirni sporazum je sastavljen u 4 /četiri/ istovjetna primjerka, od kojih se ugovornim stranama uručuju po 2 /dva/ primjerka.

NARUČILAC:

Kantonalna javna ustanova

Dom za djecu bez roditeljskog staranja

Saudin Đurđević, direktor

Broj: 227/17

Datum: 01.02.2017.

Paraf za naručioca

DOBAVLJAČ:

VINOJUG d.o.o.

Sarajevo

Direktor

Broj: 10-02/2017

Datum: 01.02.2017

Paraf za dobavljača